

Održan okrugli sto na temu „Zakon o stvarnim pravima – razmjena iskustava, metodologija rada te ujednačavanje prakse”

16.02.2015 09:10



Kako bi se izvršila analiza pravnog okvira, s posebnim osvrtom na donošenje drugih propisa, kao i daljnje poboljšanje postojeće relevantne zakonske regulative, u organizaciji Federalne uprave za geodetske i imovinsko-pravne poslove te CILAP projekta u Sarajevu je 12. februara 2015. godine održan okrugli sto na temu „Zakon o stvarnim pravima – razmjena iskustava, metodologija rada te ujednačavanje prakse“.

Glavni cilj okruglog stola bio je upoznati zainteresirane s iskustvima u primjeni Zakona o stvarnim

pravima, osnovnim problemima i dilemama, razlozima i načinom izmjene Zakona u Republici Srpskoj, te na koji način pristupiti usaglašavanju propisa o građevinskom zemljištu i sl.

Radionicu su vodili lokalni moderatori gosp. Duško Medić, sudija Ustavnog suda Republike Srpske, i gđa Larisa Velić, profesorica Pravnog fakulteta Univerziteta u Zenici. Metoda, odnosno način rada, bila je interakcija i neposredan razgovor, odnosno diskusija učesnika iz oba entiteta kako bi se uočili problemi i predložila valjana rješenja.

Prvi okrugli stolovi s većim brojem učesnika trebaju se održati u Sarajevu i Banja Luci, a nakon Sarajeva i Banja Luke sesije bi se trebale održati u Mostaru, Tuzli ili Bijeljini i Trebinju, a ako bude prilike, i na drugim lokacijama zbog velike zainteresiranosti za temu.

S obzirom na to da u Republici Srpskoj imaju bitno veća iskustva u primjeni Zakona o stvarnim pravima od Federacije BiH, nakon svake konstruktivne diskusije donijet će se zaključci i prijedlozi koji bi se mogli iskoristiti u svakodnevnoj praksi.